

四明叢書

張宗祥



拘虛集

四明張氏約園開雕

序

當明正德嘉靖之際吾鄉詩人有朱應登顧華玉陳魯

南王章四先生者求其述箸未易得也既乃得魯南陳

先生拘虛集五卷又得後集三卷魯南早慧五歲能屬
對十歲能詩十二歲作赤寶山賦傳於時既成進士仕
爲編修侍講外授江西參議山東參政忤權貴左遷山
西行太僕卿遂抗疏致仕徜徉山水閒以詠歌自娛其
詩清越拔俗自出機軸訟言學杜之弊不詭隨時尙以
是能免明人佻薄鮮質之病又工書法能繪事可謂多

才藝者矣然卽其詩觀之詞旨渾穆悠然有千古之思慨然有憂患之志則又豈止爲詩人已哉余嘗謂以詩論詩古今不乏才藝蔚炳之士兼文學德行論詩難乎其選矣若魯南先生者固守道君子也詩歸禮義之誼庶當之無媿色耳爰與詩談一卷游名山錄四卷並刻之石亭文集十二卷他日訪獲當續刊布民國二十三年三月後學張壽鏞序

拘虛詩序

芹山陳子刻石亭陳公拘虛稿成以示龍石子曰詩其有裨於教乎非與龍石子曰日星麗乎乾以光被下土萬物資焉文炳於人以軌物飾政萬化資焉故文之所貴以教詩聲而文者也或漫焉無裨豈詩哉乃取而讀之讀而三復之歎曰斯幾矣源究乎漢晉旨存乎風雅格弗淪於恆俗興弗流於光景力弗窘於繩律贈無阿辭寄惟情慤送寓諷勸登弔發感慨之懷游覽適曠達之趣而復雍遜溫舒有如其人者其詩哉夫詩自賡歌

之餘離騷而上無論矣吾於近世有慨焉而懼夫流之
無防也吾竊觀孔子刪詩三百而蔽之以無邪一言端
後學之趨也然而古之詩質今之詩諛古之詩節今之
詩費古之詩婉今之詩激古之詩法今之詩放是故質
罔過情諛則媚矣節罔濫及費則贅矣婉言寓戒激則
怒矣法言有章放則踰矣乃若藉以希時執以干進於
教之道不亦太遠乎哉吾非知言者惟石亭流聲海內
且久故一時名家多麗澤焉可知矣吾自蚤歲而聞其
名嘗同官而服其學今參吾東省而知其政詩特其一

事焉耳芹山以文學節吏事固善鳴者誦公之詩有默
契焉傳諸梓謂有裨於教者也詩爲卷五而諸體略備
公生平論著甚博是出所自擇殆什一云耳嘉靖歲壬
辰四月之望翰林院侍讀學士奉直大夫同修國史經
筵講官前春坊諭德古東郡龍石許成名書

鄞縣志本傳

陳沂初字宗魯後改魯南號石亭居士鋼之子鋼先夢

釋氏奉明珠入室旦生沂五歲能屬對八歲能摹古人

畫十歲能詩十二歲著孔墨辨赤寶山賦傳誦人口劉

忠喬字儲嶢官南都時皆引爲忘年友正德十二年舉

進士改庶吉士

顧璘撰墓志

年已四十有八爲夙名士矣

甫上

者舊傳

除編修與修武宗實錄嘉靖二年爲禮部同考官

墓志

三年夏會議大禮與修撰舒芬疏凡三上以伏闕皆

得罪

沂撰舒芬墓志

實錄成進侍講賜白金文綺隨充經筵講

官撰講章善寓諷勸上問宰臣知其名五年授冊封楚

王

墓志

六年冬

舒芬墓志

以見忤張璁

舊傳

出爲江西參議樂

於惠民備設科條以杜奸完賦同官驚服進山東左參政按沂莒滕費諸郡邑察其災荒發官帑市牛百餘頭給民墾藝且寬其稅期年皆熟又爲蠲除種馬薪木運布諸征民獲甦息嘗至鉅野察有盜將發調卒襲捕散之卽言於巡撫職兵者不謂然已而盜竟破縣去眾許其略

墓志

又與提學副使陸武纂修山東通志

山東通志

十二年詔舉堪翰林者吏部侍郎席春欲召還沂尙書汪鏐

不可

明史席春傳

會入賀遇張璠長安道上勞之曰先生久

外行召矣沂曰齊民困甚能行吾疏殊勝吾受德也璠

意拂然

耆舊傳

吏部舉河南福建布政司皆不遷遂改山

西行太僕卿

○案明史以不附張孚敬桂萼改行太僕卿

再疏請老歸築遂

初齋於家園

墓志

杜門著書絕意世事

列朝詩集

十七年卒沂

軀不甚長神采朗秀眸子可照孝友忠信出於天性事

二親死生情文備極人所難及素廉於財營弟妹婚姻

貸以備禮及貴周恤南都與四明族屬曲殫心力平生

舉事率歸忠厚

墓志

少好蘇氏學自號曰小坡

名山藏

文采

照映一時明詩綜初與顧璘王韋號金陵三俊其後寶應

朱應登繼起稱四大家明史附顧璘傳又與李夢陽何景明徐

禎卿邊貢應登璘鄭善夫康海王九思等號十才子明史

李夢陽傳璘應登羽翼夢陽而沂與韋則頗持異論顧璘傳沂

詩專以唐人爲宗謂少陵七言聲宏氣正格高意美非

小家妝飾但才大不拘後學茫昧特拾其麤耳列朝詩集自

入翰林與文徵明講論其畫更進相傳金陵古今圖攷

舊鏤乃其手繪書法不減吳寬江寧府志旁及篆隸皆稱能

品金陵瑣事樂府有善知識苦海回頭記行於世人最膾炙

耆梅花序子時萬嘉靖十三年舉人

江寧志

拘虛集引

古齊少岱子谷蘭宗撰

蘭宗曰拘虛集陳石亭先生之詩也取莊生井蛙之見以自喻云謙辭也梓行東昌義興任子重刻焉任子之妻與先生之子之妻兄弟也其姻近其傳欲遠也屬予簡其端於平先生之詩太史氏許公評品詳矣夫登雷門者棄布鼓歌陽春者多巴人子難其說者久之會先生稍遷行太僕徐子馳書來訪予且詢大中丞大夫顧公橘頌亭石刻徐子善詩者也因與

論曰下詩派獨二公取材漢魏效體陶謝擬格王岑
沈宋之閒海內孰不知有陳顧而一時江左無能出
其右者也然亦工於書臨法晉帖世稱爲二妙云邇
者並遊故都怡情山水其牛首雨花諸詠益臻精細
徐子輒汎誦之叩其作者予不幸而屢中焉無他臭
味同也徐子金陵佳士名京其言蓋有所受云任子
名卿太學生也

拘虛集卷一

明鄞陳沂魯南撰

五言古詩

李伯時畫謝惠連春游圖戲用謝體

送楊恆叔致政歸用陶詩韻四首

聞寧濠兵圍安慶再旬敗走識喜

鬪雞篇

除歲書懷

江上二首

一日復一日二首

四禽篇

孺子亭

哀辭六首

素絲歎

斷絕吟

送劉按察希尹入蜀四首

李伯時畫謝惠連春游圖戲用謝體

覽物出脩矰條風發春柔陰厓雲不結陽嶺氣彌浮旣